

p. 601 line -2【諸部要目】《陀羅尼門諸部要目》之略名。～《佛學大辭典》【都部陀羅尼目】全一卷。唐代不空譯。又稱陀羅尼門諸部要目、陀羅尼諸部要目、諸部要目。收於大正藏第十八冊。本經舉金剛頂經、大日經、蘇悉地經、蕤呬耶經、蘇婆呼童子經、怛唎三昧耶經等之要目而加以解說。其中，……於蘇婆呼童子經部分，則就金剛杵之種類闡明其意義。～《佛光大辭典》

《都部陀羅尼目》卷1：「蘇婆呼童子經。…杵金銀銅鐵石水精法陀羅木等。無量種各不同杵。五股三股一股。長十六指為上。十二指為中。八指為下。乃至一指節者為下。此經中說。不持金剛杵。念誦者無由得成就。金剛鈴者。是般若波羅蜜義。金剛杵者是。菩提心義。能壞斷常二邊。契合中道。有十六菩薩位。亦表十六空為中道。兩邊各有五股。五佛五智義。亦表十波羅蜜。能摧十種煩惱。成十種真如。便證十地。證金剛三摩地。獲金剛智。坐金剛座。亦是一切智智。亦名如來自覺聖智。若不修此三摩地智。得成佛者。無有是處。」(T18, p. 899, c15-p. 900, a7)

p. 604 line 5【十種善巧智】《大方廣佛華嚴經》卷49〈36 普賢行品〉：「菩薩摩訶薩住此十種勝妙心已，則得十種佛法善巧智。何等為十？所謂：了達甚深佛法善巧智，出生廣大佛法善巧智，宣說種種佛法善巧智，證入平等佛法善巧智，明了差別佛法善巧智，悟解無差別佛法善巧智，深入莊嚴佛法善巧智，一方便入佛法善巧智，無量方便入佛法善巧智，知無邊佛法無差別善巧智，以自心自力於一切佛法不退轉善巧智。是為十。」(T10, p. 258, c15-23)

《大方廣佛華嚴經疏》卷48〈36 普賢行品〉：「第五勝妙心者。由前知法本融。則事理無礙。應機成益。名勝妙心。從前四生亦可意得。第六善巧智者。由上事理無礙。今則權實決斷。名善巧智。」(T35, p. 871, a14-17)

p. 607 line -1【因力緣力】《佛說無量壽經》卷2：「因力、緣力、意力、願力、方便之力、常力、善力、定力、慧力、多聞之力、施戒、忍辱、精進、禪定、智慧之力、正念止觀諸通明力、如法調伏諸眾生力，如是等力一切具足。」(T12, p. 274, b7-11) 慧遠《無量壽經義疏》卷2：「第六諸力具足。初別。後結。別中初明自力具足。如法調下。化他力足。自中相從以為七門。因力緣力為第一門。起修所依。過去所修一切善行。能生今善。名為因力。近善知識。聽聞正法。名為緣力。意力願力為第二門。起修方便。求佛之心。名為意力。起行之願。名為願力。方便之力常力善力為第三門。加行正修。依法巧修。名方便力。依法恒修。名為常力。依法正修。名為善力。定力慧力

為第四門。修心成就。修正成就。名為定力。修觀成就。名為慧力。此前四門約修分別。多聞之力為第五門。起行之解。施戒忍進定慧之力為第六門。明所起行。行謂六度。此之兩門就行分別。正念正觀諸通明力為第七門。依行成德。捨相入實。名為正念。離癡見法。說為正觀。依此二種。成就六通及得三明。名通明力。此後一門就德分別。上來自利。如法成就諸眾生力。明其利他。上來別竟。如是等力一切具足。總以結之。此第六竟。」(T37, p. 111, b8-27) 《大寶積經》卷 18：「因力。緣力。願力。發致力。世俗力。出生力。善根力。三摩地力。聞力。捨力。戒力。忍力。精進力。定力。慧力。奢摩他力。毘鉢舍那力。神通力。念力。覺力。摧伏一切大魔軍力。并他論法力。能破一切煩惱怨力。及殊勝大力。威福具足相好端嚴。智慧辯才善根圓滿。」(T11, p. 99, b19-24)

p. 609 line 4【**魔軍**】《大智度論》卷 5〈1 序品〉：「《雜法藏經》中，佛說偈語魔王：「**欲**是汝初軍，**憂愁**軍第二，**飢渴**軍第三，**愛**軍為第四、第五**眠睡**軍，**怖畏**軍第六，**疑**為第七軍，**含毒**軍第八，第九軍**利養、著虛妄名聞**，第十軍**自高、輕慢**於他人。汝軍等如是，一切世間人，及諸一切天，無能破之者。我以智慧箭，修定智慧力，摧破汝魔軍，如坏瓶沒水。一心修智慧，以度於一切；我弟子精進，常念修智慧，隨順如法行，必得至涅槃。汝雖不欲放，到汝不到處！」是時魔王聞，愁憂即滅去；是魔惡部黨，亦復沒不現！是名諸結使魔。」(T25, p. 99, b22-c11)

p. 612 line 2【**行徧道場**】《無量壽經優波提舍》卷 1：「觀菩薩功德莊嚴成就者。觀彼菩薩。有四種正修行功德成就應知。何等為四？一者於一佛土身不動搖。而遍十方種種應化。如實修行常作佛事。…二者彼應化身。一切時不前不後。一心一念放大光明。悉能遍至十方世界。教化眾生。種種方便修行所作。滅除一切眾生苦故。…三者彼於一切世界無餘。照諸佛會大眾無餘。廣大無量供養恭敬讚歎諸佛如來。…四者彼於十方一切世界無三寶處。住持莊嚴佛法僧寶功德大海。遍示令解如實修行。」(T26, p. 232, b5-20)